



Broj: 17-06-4-16-2-21-10/21
Sarajevo, 28.12.2021. godine

Na osnovu člana 15. Zakona o Graničnoj policiji Bosne i Hercegovine ("Službeni glasnik BiH" broj: 50/04, 27/07 i 59/09) i člana 70. Zakona o javnim nabavkama Bosne i Hercegovine («Službeni glasnik BiH» broj: 39/14), direktor Granične policije Bosne i Hercegovine, d o n o s i

ODLUKU

I

Prihvata se preporuka Komisije za javne nabavke, da se po sprovedenom konkurentskom postupku za nabavku štampanih obrazaca, zaključi Okvirni sporazum sa ponuđačem «**KOPIKOMERC**» d.o.o. **Istočno Sarajevo**, jer je njegova ponuda u iznosu od **150,25 KM** bez uračunatog PDV-a ocijenjena kao prihvatljiva ponuda sa najnižom ponuđenom cijenom, a dostavljeni uzorci su u skladu sa tenderskom dokumentacijom.

II

Izabrani ponuđač dužan je da dostavi dokaze o ispunjavanju uslova iz tačke 12 tenderske dokumentacije u roku od 5 dana od dana prijema ove Odluke.

III

Odluka stupa na snagu danom donošenja.

Obrazloženje

Granična policija BiH Odlukom broj: JN-17-06-4-16-2-21/21 od 30.9.2021. godine pokrenula je postupak javne nabavke štampanih obrazaca za potrebe Granične policije BiH putem konkurentskog zahtjeva.

Komisija je dana 7.12.2021. godine u Sali za sastanke na IV spratu u 16.45 sati izvršila javno otvaranje pristiglih ponuda.

Komisija je konstatovala da su blagovremeno pristigle slijedeće ponude:

1. «**GRAFIČAR**» Stanoje-Zele Lujić s.p. Doboj, UL. Kralja Aleksandra 60 sa ukupnom cijenom ponude bez PDV-a u iznosu od 199,99 KM;
2. "**ŠTAMPARIJA FOJNICA**" d.d. Fojnica, Ul. Prokoški put bb sa ukupnom cijenom ponude bez PDV-a u iznosu od 70,50 KM;
3. "**SVJETLOST-BH PRINT**" d.o.o. Sarajevo, I. Alajbegovića Šerbe 3 sa ukupnom cijenom ponude bez PDV-a u iznosu od 184,84 KM;
4. "**KOPIKOMERC**" d.o.o. Istočno Sarajevo, Vuka Karadžića 30 sa ukupnom cijenom ponude bez PDV-a u iznosu od 150,25 KM;
5. "**PRINT SHOP**" d.o.o. Istočno Sarajevo, Filipa Višnjića 24 sa ukupnom cijenom ponude bez PDV-a u iznosu od 143,80 KM ;

- Ponuda ponuđača «**GRAFIČAR**» Stanoje-Zele Lujić s.p. Doboj, UL. Kralja Aleksandra 60 ocijenjena je kao prihvatljiva;
- Ponuda ponuđača "**ŠTAMPARIJA FOJNICA**" d.d. Fojnica ocijenjena je kao neprihvatljiva iz razloga što ovaj ponuđač nije dostavio uzorke vizit karte kako je traženo tačkom 26 tenderske dokumentacije (dostavljanje uzoraka uz ponudu) .

- Ponuda ponuđača "SVJETLOST-BH PRINT" d.o.o. Sarajevo ocijenjena je kao neprihvatljiva iz razloga što ovaj ponuđač nije dostavio uzorke vizit karti kakve su propisane tenderskom dokumentacijom. Kod dostavljenih uzoraka debljina kartona nije odgovarajuća, a dostavljena su dva potpuno identična uzorka od iste vrste kartona;
- Ponuda ponuđača "KOPIKOMERC" d.o.o. Istočno Sarajevo, Vuka Karadžića 30 ocijenjena je kao prihvatljiva.
- Ponuda ponuđača "PRINT SHOP" d.o.o. Istočno Sarajevo, Filipa Višnjića ocijenjena je kao neprihvatljiva iz razloga što je ovaj ponuđač dostavio potvrdu o solventnosti koja ne obuhvaća period od 6 mjeseci od dana objave obavještenja. U odgovoru na pitanje jednog od zainteresiranih ponuđača odgovoreno je da se potvrda o solventnosti računa 6 mjeseci od dana objave obavještenja.

Komisija je odlučila da će svi ponuđači čije su ponude ocijenjene kao prihvatljive biti prijavljeni za učešće na E-aukciji kako slijedi:

1. «GRAFIČAR» Stanoje-Zele Lujčić s.p. Doboj
2. "KOPIKOMERC" d.o.o. Istočno Sarajevo

Članovi Komisije nisu imali izdvojenih mišljenja.

Komisija je konstatala da su nakon završene E-aukcije koja je održana dana 24.12.2021. godine prihvatljive ponude rangirane kako slijedi:

1. "KOPIKOMERC" d.o.o. Istočno Sarajevo, Vuka Karadžića 30 sa ukupnom cijenom ponude bez PDV-a u iznosu od 150,25 KM;
2. «GRAFIČAR» Stanoje-Zele Lujčić s.p. Doboj, UL. Kralja Aleksandra 60 sa ukupnom cijenom ponude bez PDV-a u iznosu od 199,99 KM;

Komisija je konstatovala da je najpovoljniju ponudu dostavio ponuđač "KOPIKOMERC" d.o.o. Istočno Sarajevo obzirom da je ponudio prihvatljivu ponudu s najnižom ponuđenom cijenom. Komisija je dala preporuku da se okvirni sporazum za nabavku štampanih obrazaca zaključi sa ponuđačem **"KOPIKOMERC" d.o.o. Istočno Sarajevo** čija je ponuda u iznosu od **150,25 KM** bez uračunatog PDV-a ocijenjena kao prihvatljiva ponuda sa najnižom ponuđenom cijenom. Članovi Komisije nisu imali izdvojenih mišljenja.

Na osnovu naprijed navedenog prihvaćena je preporuka Komisije za javne nabavke, pa je odlučeno kao u dispozitivu Odluke.

POUKA O PRAVNOM LIJEKU: Protiv ove Odluke može se izjaviti žalba Uredu za razmatranje žalbi u roku od 5 (pet) dana od dana prijema Odluke. Žalba se predaje putem Granične policije Bosne i Hercegovine.

DOSTAVITI:

- Ponuđačima- putem fax-a (x5)
- Odsjek za poslove nabavke i logistike
- A/a



DIREKTOR
Glavni generalni inspektor

Zoran Galić